



## **Universitätsbibliothek Paderborn**

**Diplomatvm Belgicorvm Libri Dvo**

**Le Mire, Aubert**

**Brvxellis, 1627**

85. Guido, Flandriae & Namurci Comes, Loensi Canonicorum regualrium coenobio, in dioecesi Iprensi, beneficium confert an. 1267.

**urn:nbn:de:hbz:466:1-10903**

IUDA. i) prorsus è Brabantia pulsi sunt, cùm an. 1370. sacras Hostias cultris ac pugionibus violarent: ex quibus tres etiamnum summa cum veneratione, in primaria eiusdem urbis basilica, S. Gudilæ sacra, adseruantur. Fastos nostros Belgicos 15. Iulij consule.

CAUVVARSINI,) id est, fœneratores seu usurarij publici.

## CAPVT LXXXV.

*Guido, Flandriæ & Namurei Comes, Loensi Canonicorum regularium canobio, in diœcesi Iprensi, beneficium confert anno 1269.*

**V**NIERSIS Christi fidelibus, præsentibus pariter ac futuris, Guido Comes Flandriæ, & Marchio Namurcensis, salutem in Domino.

Nouerit vniuersitas vestra, quod cùm Præpositus ecclesiæ S. Petri LOENSI murum circa ambitum sui monasterij ædificare capisset, extendentem se directè ab Orientali parte chori sui versus Orientem, ultra fossatum villæ Loensis, in terra sua propria, & inde directè versus plagam Septentrionalem, rursusque versus Occidentem usque ad portam dictæ villæ versus Septentrionem, atque inde directè usque ad angulum muri sui iuxta atrium de Lo, inter fossatum ibi existens, & viam lapideam, quæ Via publica nuncupatur:

In quibus idem Præpositus nostro præjudicasse dominio dicebatur, pro eo videlicet quod terra illa, quam Præpositus infra terminos memoratos inter fossatum dictæ villæ & ambitum noui muri inclusarat, nostra Furnensis territorij iustitia totaliter subiacebat:

Nos cogitantes proinde de supernis, ob delictorum nostrorum medium, dictam terram sic inclusam, ad nostram iustitiam totaliter pertinentem, concessimus in puram & perpetuam eleemosynam Præposito & Conuentui dicti loci, sub eadem libertate & iustitia tenuendam, & pacificè possidendum, quibus mansionem suam & claustrum, intra fossata dictæ villæ Loensis contenta, ex collatione prædecessorum nostrorum Comitum Flandriæ, ac etiam ex consuetudine approbata & hactenus obseruata, tenent & possident, & usque in præsentem diem tenuerunt & possederunt, alta iustitia in loco illo, sicut in mansione & clauistro prædictis, salua nobis permanente.

In

In cuius rei testimonium, & robur perpetuæ firmitatis, præsentes litteras eisdem concessimus, sigilli nostri auctoritate munitas.

1269. Actum anno ab Incarnatione Domini millesimo ducentesimo sexagesimo nono, mense Maio.

## N O T A T I O N E S.

Guido à Dominico Petri, Comes Flandriæ, an. 1262. uxorem duxit Isabellam, Henrici Blondelli Comitis Luxemburgensis & Marchionis Namurcensis filiam. Quo matrimonio variæ contentiones de Comitatu Namurcensi sunt soperita, & Guido creatus est Comes seu Marchio Namurcensis, contentiente Martha Imperatrici Constantinopolitana: ut in Stemmatibus Principum Belgij cap. 23. explicit.

Lo) Latinè Lo a, est municipium Flandriæ in diœcesi Iprensi situm, in quo Philippus, Roberti Frisijs Flandriæ Comitis filius, anno 1093. monasterium Canonicorum regularium fundauit, dans eis Comitatum & Aduocationem, stallum & teloneum, & quidquid secularis iuris habebat: ut in diplomate suo desuper edito loquitur, & Meierus lib. 3. Annalium Flandriæ narrat.

Foundationem istam Ioannes Morinensis Episcopus an. 1100. & 1119. suis litteris firmauit, & dotem monasterij postea auxerunt Theodericus Alsatius, Philippus eius filius, alijque Flandriæ Comites.

Ceterum cœnobium, primo lapide ab Insulis Flandrorum emporio situm, quod similiter Lo vulgus nuncupat, Latinè Laus B. Mariæ nuncupatur; estque monachorum ord. Cistertiensis, celebre miraculis ac cultu eiusdem Virginis.

## C A P V T LXXXVI.

*Senatus Populusq. Aquisgranensis Ioannem I. Loth. Brabantieq;  
Ducem agnoscit suum Aduocatum superiorem.*

**V**niuersis præsentes litteras inspecturis, Iudices, Scabini, Consules ciuum, Magistratus, & ceteri ciues regalis sedis AQVENSIS, salutem & cognoscere veritatem.

Quoniam